

Zeitschrift: Igl Ischi : organ della Romania (Societat de Students Romontschs)
Herausgeber: Romania (Societat de Students Romontschs)
Band: 70 (1985)
Heft: 25

Vorwort: Remarcas redacziunalas

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 18.02.2026

ETH-Bibliothek Zürich, E-Periodica, <https://www.e-periodica.ch>

Remarcas redacziunalas

All'entschatta da quest numer sefatschenta dr. *Ursicin G.G. Derungs*, Mi-laun/Vella, cun la damonda «Con romans essan nus Romontschs?» Quella vasta e beinfundada lavur sebasas sin in referat ch'igl autur ha salvau a caschun dalla «Jamna da studis» dalla Fundaziun Retoromana dils 27-7-85 a Laax. En quei tractat va ei per la relaziun denter la cultura romana (ed antica insumma) e la cultura romontscha, surtut pil problem dalla confruntaziun directa dalla cultura romontscha cun quella antica, per la schientscha actuala dalla cultura antica en nossa litteratura eav. El numer 21 digl Ischi semestril vein nus entschiet a publicar schinumnai texts dil pievel, tals che relatan dil mintgadi. Dr. *Clau Solèr*, Pasqual/Lumbrein, continuescha quella «seria» cun in ulteriur text da sia mumma davart la «Naschientscha a casa». Oz, el temps dils computers survegn l'informatica adina dapli impurtonza. Dr. *Peter Risch*, directur dil Seminari da scolasts a Cuera, presenta quella problematica sut igl aspect «Societad – educaziun». En siu artechel «Mo tradiziun e fuorma vita ni senn e perschuasziun» sefatschenta sora *Florentina Camartin*, Mustér, cun isonzas religiusas, surtut cun las processziuns ed introducescha la lavur da sur *Sigisbert Berther*, plevon a Lumbrein, davart «La processziun da Nossadunna dallas dolurs a Lumbrein», ina dallas pli interessantas processziuns da nies cantun. In dils pli vegls rodels catt'ins ella Crestomazia retoromontscha, tom 2. «Usits ed isonzas d'Advent e da Nadal» presenta sur *Martin Bearth*, plevon a Sumvitg. Quella lavur muossa ch'ei dat sin quei camp ina pli gronda variaziun che quei ch'ins pudess forsa tertgar. A siu artechel sur dad usits ed isonzas aschunta sur Bearth era aunc «Dua meditaziuns per Nadal». Lic. fil. *Peter Egloff*, Cuera, ha salvau a caschun dalla «Scuntrada dal pievel rumantsch» a Savognin (6-8-85) in referat cul tetel «Folclorissem ella cultura romontscha: Igl exempel dil moviment da costums». Nus publichein bugen quellas interessantas expectoraziuns davart in fenomen che survegn puspei dapli calamita. Pader dr. *Ambros Widmer*, Mustér, presenta zacons «Umens prominents da Selva e Tschamut» e presta cheutras ina contribuziun alla historia locala. Sco adina terminein nus igl Ischi semestril cun la «Cronica», scretta dad *Ignaz Cathomen*, Falera, e la «Litteratura sursilvana», cumpilada da *Norbert Berther*, Cuera.

Il proxim Ischi semestril cumpara l'entschatta matg 1986. Artechels ein da tarmetter entochen miez fevrer.